

明

史



「清」萬斯同
撰

上海古籍出版社

明

史



〔清〕萬斯同
撰

上海古籍出版社

明史卷一百五

志七十九

食貨十一

會計附條

唐世有土供留州二賦上供即今之起運也留州即今之存留也周禮惟王不會則其他一縣一粟皆當核覆而量其出入所謂底慎財賦也明世土田二稅戶口經費出納之數見於掌故者洪武弘治萬曆三朝略可考見洪武時田土官民總八百五十萬七千六百二十三頃夏稅米麥總四百七十一萬二千九百石錢鈔三萬九千八百錠絹二十八萬八千四百八十疋元秋糧米總二千四百七十三萬九千四百五十五石錢鈔五千七百三十三錠絹五十九疋大布總二千六十五萬二千八百七十八石六千五百四十四萬五千八百皆有奇弘治時田土官民總六百二十二萬八千五百八十八頃夏稅米麥總四百六十二萬五千五百九十四石麥收二百五十五石錢綿併荒絲二百七十萬一千三百六十餘兩又六千五百三十九斤稅絲三十五萬三千六百四十三兩又二千五百四十八斤絲綿折絹三萬四千九百六十二疋一十八丈三尺八寸二分稅絲折絹四千四百三十三丈

八尺九寸九分八寸絲折絹四萬五百七十六疋一丈七尺八寸一分農桑絲折絹九萬九千一百四十五疋五丈五尺三寸八分又絹二萬二千九百八十九疋七尺七寸四分本色絲八千四百四十八斤折色絲一百九十四斤農桑零絲二百九十七兩又一百一十斤原額小絹四疋幣帛絹一疋改科絹二疋五疋本色絹二疋苧布一千三百四十一疋麻布一千七十七疋棉花折布一十二疋紅花一十一斤布三兩本色鈔七萬七千七百九十五錠租鈔二萬五千五百五十三錠稅鈔六千五百三十四錠秋糧米總二千二百一十六萬六千六百六十五石魚課米三萬九千九百六十石粟子易米二萬肆千五百八十四石棗株課米二千二百二十五石地畝棉花絨二十四萬六千五百六十九斤綿布一十二萬八千七百七十疋課程棉布七百三十八疋課程苧麻折米五十七石改科絲折米一十二石租絲二千二百一十六兩租絹五十九疋租麻布二疋租苧布七疋牛租米一十九石牛租穀二百一石租鈔一萬八千八百六錠山租鈔二千一百二十三錠賃鈔一百七十五貫馬草二千五百九十四萬八千二百

六十畝東包屯田總八十九萬一百二十四頃八戶
九百一十一萬三千五百人口五千三百三十八萬
一千四百皆有奇萬曆時田土官民總七百一萬三
千九百七十九頃夏稅米麥總四百六十萬五千二
百四十二石起運一百九十二萬三千八百七十四
石餘存留麥收二百六十六石餘綿并荒餘二百七
十六萬五千四百七兩起運三百三十二萬五千一
百四十四兩內有折絹絲綿一百九十六萬二千一
百四十四兩該絹九萬八千一百七疋餘存留稅絲
四十五萬五千三百八兩起運三十二萬二千七
百九十五兩內有折絹絲二十八萬三千一百七十
六兩該絹一萬四千一百五十八疋餘存留麥絲四
百五十八斤起運一百一十六斤餘存留本色絲八
千六百一斤起運二百二十四斤餘存留絲綿折絹
三萬四千二百六十一疋起運三萬三千五百六十
四疋餘存留稅絲折絹三萬九千八百六十九疋起
運人丁絲折絹四萬七百三十四疋起運三萬九千
二百九十四疋餘存留農桑絲折絹九萬一千三百
五十一疋起運八萬六千六百疋餘存留農桑零絲二百
七十五兩又三百四斤原額小絹帛絹圓張治皆

存留麻布苧布同弘治皆起運棉花折布苧苧洞蠻
麻布二百五十九條農桑併絲折米八百一十石鈔
銀萬七千六百七十四錠租鈔三萬三千五百八斗
八穀稅鈔北千六百五十九錠皆存留秋糧米總二
千二百三萬三千二百一十七石起運一千三百三
十六萬二千八百六十二石餘存留魚課米三萬一
千九百六十六石農桑易米二萬六千八百三十三
石粟課課米二千一百七十八石皆存留地畝棉花
課課米四萬四千一百二十九斤起運一十五萬六
千零五十三斤餘存留棉布一十二萬八千七百
九十二疋課程棉布五百三十三疋課入麻布工面
課課程麻折米五百五十五石棉花課折米六
百四十五石改料絲折米九斗四升花利米一升八
百八十八石牛租米同弘治牛租穀四千一石麻折
米三石六斗租絲組組租麻布同弘治租苧布七
束一疋租鈔一萬八千八百二十七錠又五千四百
八貫山租鈔同弘治又二百六十五貫貨鈔同弘治
茶課鈔一千一百八十三錠魚課鈔三百四十七錠
椒課鈔四十二錠麻鈔二錠稅鈔一百六十錠苧麻
一千七百九十四斤桐油一千六百三十五斤紅花一十

六斤蓋發馬五匹皆存留馬草二千五百八十一萬
三千七百五十一束包起運二千一百七十九萬八
千八百包餘存留人戶一千六十二萬一千四百人
以六千六百九萬二千八百戶口鹽鈔銀二十六萬
一千七百五十五兩起運八萬八千三百五十二兩
存留屯田地六十一萬九百四十一頃又四萬八
千六百四十四頃花園倉基一千九百三十八所通徵糧
四百五十八萬四千八百四十四石地畝糧草折銀
八萬五千六百九十四兩糧折布五萬七千一百六
十五疋草二百六十二萬九千七百餘束鈔五萬六
千九百四十貫各運司并提舉司額辦大小引鹽總
二百五十二萬八千五百二十六引又二千四百二
十六萬六千六百餘斤皆有奇歲入內承運庫蕙寧
蕙慶乾清三宮子粒銀四萬九千四百二十五兩金
花銀一百一萬二千七百二十九兩金二千兩硃砂
四十六斤八兩承運庫本色絹一十四萬八千一百
二十九疋供用庫白熟粳米八萬二千四百五十二
石芝麻八千二百二十三石黃菜黑豆三千六百九
十七石黃白蠟一十四萬七千三百八十四斤芽菜
茶八萬八千八十一斤燈草蒲杖五千五百斤穀草

五萬七千九百七十束鹽二十四萬一千六百六十
六斤甲字庫銀硃烏梅諸料四十一萬二千二百二
十二斤潤白三梭布三萬三千疋潤白棉布三十六
萬二千四百一十疋疋布四萬七千七百七十四
疋紅花三萬斤水銀二百二十九斤丁字庫生漆桐
油諸料三十萬一千七百四斤黃牛皮九百八十三
張丙字庫綠線三十一萬四千六十四兩又線二百
二十四斤地畝棉花絨一十五萬六千一百八十六
斤米折棉花絨二十一萬八千六百九十一斤廣惠
摩河西務七鈔關本色鈔約二千九百二十八萬四
千四百餘貫折色銀五十九萬七千七百七十七兩
餘宋京衛屯鈔五萬六千九百四十貫天財庫正陽
九門本色鈔六十六萬五千八十貫折色銀二百四
十三萬二千八百五十文內官監白熟細粳米一千
七百石白熟粳米一萬一千一百二十五石青白鹽
六十三萬四千五百斤葉薦稻草五萬斤草紙稻草
一十萬斤尚饒監川椒一千一百斤葛絲栗穀二百一
十六石酒醋麵局白熟糯米一萬一千五百石小麥
七千三百石黃菜黑豆七千一百石穀草四萬四千
束稻皮五百石麵一十萬八千八百斤司苑局黑豆

兩商稅魚課富戶層自民壯弓兵井屯折改折月糧
併項銀約一十四萬四千二百九十二兩各邊鎮山
東河南北直隸處府赴部轉奏迭餉奏米豆草鹽鈔
拆銀除改解太倉轉奏外實計銀八十四萬二千三
百七十九兩皆捐奇其存留地方者不在內歲出
公使伯駙馬祿米折銀約二萬六千五百六十一兩
吏部等衙門官吏監生俸米約四萬三千八百十五石
撫貢折俸兩布銀約四萬四千六百六十兩錢三百
三十四萬一千六百文先祿太常寺神樂觀文思院
湖苑湯武作局寶鈔司京衛武學諸衙門廚役官匠
武生樂舞生甲軍併教坊司雜色長泰色米約米萬
四千七百二十八石折色銀六萬八千六百八十九兩
廚役冬衣布折銀約一萬四千二百二十二兩錦衣等布
半八衛所官吏旗校軍士匠役本色米二百一萬八
千七百一十四石折色銀二萬六千六百八十八兩
四兩官員折俸損布銀約二十六萬八千三百兩
北兩軍士冬衣布折銀八萬二千一百二十二兩本
處棉花二萬五千八百斤各倉庫草場官糧銀
折銀應米二萬四千四百一十二石折色銀二千一百五
兩兩各府各監局庫民匠本色米約計并運苗米

十二石折色銀一百五十二兩宛大二縣派老本色
米一萬五千一百一十七石冬衣本色布四千一百
六十四疋五軍神樞神機三大營將官弁選鋒軍折
色米一十二萬九百九十六石冬衣布折銀二千二
百三十兩本色棉花六千五百九十斤出征防守官
軍每年防秋三月口糧米約四萬三千五十一石營
操馬匹本色料二萬四千四百三十石草八十萬六
百二十八束折色料草銀七萬九千六百三十九兩
巡捕營官軍家丁口糧米約七千三百石馬匹料草
折銀二萬九千八百一十兩錦衣旗手等衛上直宣
官捕盜馬匹料草折銀約一萬六千八百一十八兩
騰驤四衛營馬匹料草折銀約一萬四千八百五十
九兩中都留守司并山東河南二都司班軍行糧并
工作鹽糧折銀約五萬四百一十兩京五草場商價
銀約一萬六千二百七十一兩御馬三倉并象馬等
房商價銀約一十四萬八千四百三兩太常寺豬價
銀五百七十兩內官監寶鈔司召買稻草商價銀九
百四十九兩宣府鎮年例銀二十九萬六千兩大同
鎮年例銀四十五萬六千三百三十八兩山西鎮年例銀
二十萬六千三百兩延綏鎮年例銀三十七萬七千

五百一十五兩寧夏鎮年例銀三萬九千二百九十
四兩固原鎮年例銀六萬三千七百二十一兩甘肅
鎮年例銀五萬一千四百九十七兩遼東鎮年例銀
四十萬九千九百八十四兩薊州鎮年例銀四十二
萬四千八百九十二兩軍門撫彙銀二萬八千八百
兩密雲鎮年例銀三十九萬四千三十六兩永平鎮
年例銀二十四萬一千八百五十八兩昌平鎮年例
銀一十七萬五千五百四十兩內扣撥易州鎮銀三
萬二千一百兩易州鎮年例銀五萬九千兩井陘鎮
年例銀三千九百七十兩

以上各邊鎮年例銀除奏
留改解贓罰事例商稅件

項扣抵外餘數太倉補發其各省府存
留支用與各邊鎮民屯本色不在內

國家經費莫大於祿俸兵餉洪武九年定諸王公主
歲供之數親王米五萬石鈔二萬五千貫錦四十疋
紵絲三百疋紗羅各百疋絹五百疋冬夏布三千疋
綿二千兩鹽二百引茶千斤皆歲支馬草料五十匹
月支緞疋匠料歲給自造靖江王米二萬石鈔一萬
貫餘物半親王馬草料二十匹公主未受封者紵絲
紗羅各一十疋絹冬夏布各三十疋綿二百兩已受
封賜田莊一所歲收糧一千五百石鈔二千貫親王
子未受封視未受封公主女未受封者半之親王子

已受封郡王六千石鈔二千八百貫錦一十疋紵絲
五十疋羅紗各減紵絲之半絹冬夏布各百疋綿五
百兩鹽五十引茶三百斤馬草料十疋親王女已受
封若已嫁一千石鈔一千四百貫其緞疋於所在親
王國帶造給與皇太子次嫡子并庶子既封郡王之
後必俟出閣歲賜與親王子已封郡王者同女俟及
嫁與親王女已嫁者同凡親王世子與已封郡王同
郡王嫡長子襲封郡王者半始封郡王女已封縣主
及已嫁者五百石鈔五百貫餘物半親王女已受封
者郡王諸子年及十五各賜田六十頃世守之其後
令止給祿米既又以官吏軍士俸給彌廣因監唐宋
之制更定親王萬石郡王二千石鎮國將軍半之輔
國將軍奉國將軍鎮國中尉以二百石通減輔國中
尉奉國中尉以百石通減公主及駙馬視郡王郡主
及儀賓視輔國將軍縣主及儀賓視奉國將軍郡君
及儀賓視鎮國中尉縣君及儀賓視輔國中尉鄉君
及儀賓視奉國中尉皇太子次嫡子并庶子既封郡
王必俟出閣然後歲賜與親王女已封郡王者同女
俟出閣然後歲賜與親王女已嫁者同郡王嫡長子
襲封如王者半始封親王祿十月終盡末王府官吏

軍士俸糧月支每月不過初五令於封國者分放支
永樂二十二年定親王未之國者歲給三千石凡郡
王將軍縣主儀賓祿米以受封出關日爲始成化初
令郡王祿米俱於親王府倉上納季支鎮國將軍以
下祿米於有司官倉收貯二次支給十七年奉准親
王原有額設官撥者有司同長史倉官收受郡王以
下無官撥者附近有司官倉別爲收貯關領嘉靖初
庶人祿米減奉國中尉三分之一二萬曆時定罪宗子
孫請名之後年十五以上給米十二石如止遺女妻
無依歲給養贍米六石初嘉靖四十四年議者言諸
府祿糧總八百五十三萬石天下財賦供京師者四
百萬石宗祿之數倍之即如山西存留一百五十三
萬石而宗祿二百一十二萬河南存留八十四萬三
千石而宗祿一百九十二萬石籍令全輸猶不給乃
集議郡王及鎮國輔國奉國將軍七分折鈔鎮國輔
國奉國中尉六分折鈔郡主縣主鄉君儀賓八分折
鈔自是而後宗祿積逋無算將軍以下類饑寒困辱
不能自存矣

明初勲戚之臣皆賜官田以代常祿量原定官糧私
租之數依主佃分數收其租洪武二十五年令還田

給以祿米永樂二年令與百官策支米鈔本折多寡
之數取自上裁無定額其承襲由第姪旁支者例皆
減祿其恩澤特封者不爲例公祿五千石以至二千
五百石侯祿一千五百石以至千石伯祿千石以至
七百石官員俸給有本色有折色本色三曰月米每
月一石曰折絹米歲兩月曰折銀米歲十月絹一疋
折銀六錢折色二曰本色鈔曰絹布折鈔後分上半
年支本色鈔錠下半年以胡椒蘇木折鈔關支後又
以棉布折支每俸一石該鈔二十貫每鈔二百貫折
布一疋後又定布一疋折銀三錢洪武初定丞相御
史大夫諸官歲祿之數刻石官署十三年重定內外
文武官歲給祿米俸鈔之制正從一二三四品自千
石以一百石遞減凡八等皆給俸鈔三百貫正五品
二百二十石從減五十石凡三等鈔皆一百五十貫
正六品一百二十石從減十石凡二等鈔皆九十貫
正從七品視從六品十石遞減凡二等鈔皆六十貫
正八品七十五石從減五石凡二等鈔皆四十五貫
正從九品視從八品以五石遞減凡二等鈔皆三十
貫勅之右吏員月俸一二品官司提控都吏二石五
斗掾吏令史二石二斗知運承差典史一石二斗三品

四品官司令史書吏司吏二石承差典吏半之五品官司司吏一石二斗典吏八斗六品以下司吏一石光祿司等典吏六斗教官之祿州學正月米二石五斗縣教諭府州縣訓導月米二石首領官之祿凡內外官司提控案牘州吏目縣典史皆月米三石雜職之祿倉庫關場司局鐵冶通運批驗所大使月米三石副使河泊所官廨壩官凡三等自大使以五斗遞減制天下學校師生廩糴米人日一升魚肉鹽醢之屬官給之宦官俸月給一石在京文職衙門各計官吏歲俸之數置版倉收貯委官主之按月支給其官吏簡少衙門則并於各部收支是時官俸全給米間以鈔代給又賜天下有司官柴炭鈔五十貫永樂初乃令舊全支米者米鈔中半兼支舊米鈔兼支若全支鈔者如舊蓋漸尅核從減省矣仁宗初立增給在京文武官吏軍校俸銀宣宗時禮部尚書胡濙奏減內外官俸鈔自此廉養無資官卑者至不能贍妻子矣本色折色則側正一品歲俸一千四十四石內本色俸三百三十一石二斗餘爲折色俸本色俸內無大小皆支米一十二石餘折銀俸二百六十六石折絹俸五十三石二斗總爲銀二百四兩八錢二分折色

俸內半折布俸爲銀一十兩六錢九分二釐半折鈔俸爲鈔七千二百二十八貫從一品歲俸八百八十石內本色俸二百八十四石四斗餘爲折色俸本色俸內除支米餘折銀俸二百二十七石折絹俸四十五石四斗總爲銀一百七十四兩七錢九分折色俸內半折布俸爲銀九兩五分四釐半折鈔俸爲鈔六千三十六貫正二品歲俸七百三十二石內本色俸二百三十七石六斗餘爲折色俸本色俸內除支米餘折銀俸一百八十八石折絹俸三十七石六斗總爲銀一百四十四兩七錢六分折色俸內半折米俸爲銀七兩四錢一分六釐半折鈔俸爲鈔四千九百四十四貫從二品歲俸五百七十六石內本色俸一百九十石八斗餘爲折色俸本色俸內除支米餘折銀俸一百四十九石折絹俸二十九石八斗總爲銀一百一十四兩七錢三分折色俸內半折布俸爲銀五兩七錢七分八釐半折鈔俸爲銀三千八百五十二貫正三品歲俸四百二十石內本色俸一百四十石餘爲折色俸本色俸內除支米餘折銀俸一百一十石折絹俸二十二石總爲銀八十四兩七錢折色俸內半折布俸爲銀四兩一錢四分半折鈔俸爲

鈔二千七百六十貫從三品歲俸三百一十二石內
本色俸一百一十一石六斗餘爲折色俸本色俸內
除支米餘折銀俸八十三石折絹俸一十六石六斗
總爲銀六十三兩九錢一分折色俸內半折布俸一
百石二斗爲銀三兩六釐半折鈔俸爲鈔二千貫三
四品歲俸二百八十八石內本色俸一百四十四石餘
爲折色俸本色俸內除支米餘折銀俸七十七石折
絹俸一十五石四斗總爲銀五十九兩二錢九分折
色俸內半折布俸爲銀二兩七錢五分四釐半折鈔
俸爲鈔一千八百三十六貫從四品歲俸二百五十
二石內本色俸九十三石六斗餘爲折色俸本色俸
內除支米餘折銀俸六十八石折絹俸一十五石六
斗總爲銀五十二兩二錢六分折色俸內半折布俸
爲銀二兩三錢七分六釐半折鈔俸爲鈔一千五百
八十貫正五品歲俸一百九十二石內本色俸七十
五石六斗餘爲折色俸本色俸內除支米餘折銀俸
五十三石折絹俸一十三石六斗總爲銀四十兩八
錢一分折色俸內半折布俸爲銀一兩七錢四分六
釐半折鈔俸爲鈔一千一百六十四貫從五品歲俸
一百六十六石內本色俸六十八石四斗餘爲折色

俸本色俸內除支米餘折銀俸四十七石折絹俸九
石四斗總爲銀三十六兩一錢九分折色俸內半折
布俸爲銀一兩四錢九分四釐半折鈔俸爲鈔九百
九十六貫正六品歲俸一百二十石內本色俸六十
六石餘爲折色俸本色俸內除支米餘折銀俸四十
五石折絹俸九石總爲銀三十四兩六錢五分折色
俸內半折布俸爲銀八錢一分半折鈔俸爲鈔五百
四十貫從六品歲俸九十六石內本色俸五十六石
四斗餘爲折色俸本色俸內除支米餘折銀俸三十
六石折絹俸七石四斗總爲銀二十八兩四錢九分
折色俸內半折布俸爲銀五錢四分九釐半折鈔俸
爲鈔二百九十六貫正七品歲俸九十石內本色俸
五十四石餘爲折色俸本色俸內除支米餘折銀俸
三十五石折絹俸七石總爲銀二十六兩九錢五分
折色俸內半折布俸爲銀五錢四分半折鈔俸爲鈔
三百六十貫從七品歲俸八十四石內本色俸五十
一石六斗餘爲折色俸本色俸內除支米餘折銀俸
三十三石折絹俸六石六斗總爲銀二十五兩四錢
一分折色俸內半折布俸爲銀四錢八分六釐半折
鈔俸爲鈔三百二十四貫正八品歲俸七十八石內

本色俸四十九石二斗餘爲折色俸本色俸內除支米餘折銀俸三一石折絹俸九石二斗總爲銀三十三兩八錢七分折色俸內半折布俸爲銀四錢三分二釐半折鈔俸爲鈔一百八十八貫從八品歲俸七十二石內本色俸四十六石八斗餘爲折色俸本色俸內除支米餘折銀俸二十九石折絹俸五石八斗總爲銀二十二兩三錢三分折色俸內半折布俸爲銀三錢七分八釐半折鈔俸爲鈔二百五十二貫正九品歲俸六十六石內本色俸四十四石四斗餘爲折色俸本色俸內除支米餘折銀俸二十六石折絹俸五石四斗總爲銀二十兩七錢九分折色俸內半折布俸爲銀三錢二分四釐半折鈔俸爲鈔二百二十六貫從九品歲俸六十石內本色俸四十二石餘爲折色俸本色俸內除支米餘折銀俸二十五石折絹俸五石總爲銀一十九兩二錢五分折色俸內半折布俸爲銀二錢七分半折鈔俸爲鈔一百八十八貫武職府衛官俸給視文俸惟本色米折銀例每石二錢五分其月米折絹布鈔俱同文職優給優養者視見任惟月米一折給不支本色若三大管副參遊佐官每員月支米五石巡捕營提督參將等亦如之

京管選鋒把總官月支米三石巡捕中軍把總官月支口糧九斗旗牌官半之因事別給者不在常祿之數其文職有軍功陞俸者從還官止於元職論陞俸一給二給帶支太祖歲賜各布政使司都司衛所府州縣公宴節錢京官大臣賜宴小臣賜節錢正統時內臣畏侍宴久立遂罷宴皆給以鈔凡經過使客正官一員支分例米三升從人一名支米二升宿頓者正官五升從人三升凡有公事差撥者皆支口糧天下衛所軍士月糧洪武初總旗支米一石五斗小旗支米二斗軍一石城守者一石屯田者半之工匠諸充軍者半恩軍有家四口以上一石三口以下六斗無家屬者四斗恩軍籍沒免死充軍者也衆有月鹽省家屬者二斤無者一斤在外衛所軍士以鈔代之永樂九年米七鈔三支放仁宗立加給米准洪武例宣德八年軍有家屬者六斗無者四斗五升操備總行糧四斗馬軍行糧四斗月匹六斗馬匹月支料一石或九斗操備兼工作者給行糧五斗冬衣布花人支布四疋約一斤本折則例多寡各鎮不同又允後增減不一云

明史

兵志敘

傳曰天生五材誰能去兵兵也者聖人以除暴救亂平險阻而歸之治有國者所不可已也然其畜養之政控御之方得其制則理不得其制則亂有可言者馬成周夏官所職伍兩卒旅之法藥見於周禮顧自井田既廢時變日更古法不可以盡行其後若漢之南北兩軍唐之府兵最爲近古乃光武志在銷兵而漢制寢廢開元改用驍騎而唐兵遂弛其始固未嘗不精強而後稍易衰微也明太祖以神武之資削平海內天下既定爰創立軍衛內而京畿外而府州縣及於邊鎮爲之宣威蓄銳以慎固吾圉軍有屯兵有餉墩臺堡所在羅布在外則統之於都司在內則總協於五軍都督府而上十二衛以衛宸極爲天子親軍者不與焉蓋帝發跡行間習於教練且周恤靡遺以戍以藩固隱然腹心干城之寄也成祖始藩北平數出塞外及即位留意軍伍移都燕京創立三大營宿軍不下數十萬亦凜凜有居重馭輕之勢其時更番訓練董以專官總以重臣而選將賞功之典兢兢惟謹其制頗與漢唐之南北軍府兵相埒猗歟

盛矣宣宗乘席餘威龍旗所指稽首角崩兵亦稱強焉逮英皇踐祚奄豎用事北狩之變魚爛波靡兵勢始衰景帝時于謙爲大司馬更立團營勤加訓習用能支拄黠酋建威銷萌然視高成二帝時已大不作矣憲孝武世前後四朝營制數更兵愈不裁衛所也丁疲于番上東南漕卒困于轉輸天子雖銳意整飭而所任大帥非人欲振起而卒莫之能也自是而後積玩益甚禁防並弛營衛舊制率壞於隱占脫更之子兵毋論罷也且伍空無人矣器毋論鈍也且格不相習矣以至邊事大壞中原盜起征調不前召募莫繼軍實喪而國亦隨之嗚呼此豈一朝一夕之故耶有明積弱武備不修墜於中晚之世亦已極矣茲取一代兵制戎務軍政邊防之詳悉著之篇其盛衰強弱之形亦可攷而見之焉

明史卷一百六

志八十

兵衛一

京營

京營者蓋取在京衛所之卒及在外番上之軍訓飭之以征伐四方者也其制備於成祖而昉於太祖始太祖既定金陵簡天下武勇之士分別衛所在在基置而京畿獨詳凡衛曰十有八於城內外置大小二場分教諸衛卒隸之凡元帥府已又分前後中左右五都督府曰五軍統諸衛所有大帥旅兵部推舉武大臣一人爲總兵官佩符印以行師旋印上于朝將歸于府軍還于衛武臣有兵而無權權屬文臣兵復不繫文臣掌握以示大小相維犬牙相制之意成祖即位遷都北京增衛爲七十二永樂八年征本雅失里分步騎軍爲五曰中軍左掖右掖左哨右哨亦謂之五軍旋師而五軍營之名遂不易營兼馬步隊而調中都山東河南大寧軍番上京師隸之營設提督內臣一人武臣二人掌號頭官二人大營坐營官一人把總二人中軍坐營官一人馬步隊把總各一人左右掖左右哨官如之此外又有十二營掌隨駕馬隊官軍是營也把總二人此外又有圍子守營掌操

練上直又刀手及京衛步隊官軍營置坐營官一人一司二司三司四司各把總二人此外又有幼官舍人營掌操練京衛幼官及應襲舍人置坐營官如前而幼官營及舍人營之一司二司三司四司各把總一人此五軍營之部分也已又得受降邊外丁一千常立于龍旗寶纛下以爲三千營營分五司一司掌執大駕龍旗寶纛勇字旗負御寶及兵仗局什物等件上直軍一司掌左右二十隊勇字旗大駕旗纛金鼓等件上直軍一司掌傳令營令旗令牌御用監監甲尚衣尚冠尚履什物等件上直軍一司掌執大駕勇字旗五軍紅盔貼直軍一司掌殺虎手馬轎及前哨馬營上直明甲軍隨侍營隨侍東官官舍遼東備禦回還軍凡三司是營也提督內臣二人武臣一人掌號頭官二人坐司官二人見操把總三十四人上直把總十六人明甲把總四人此三千營之部分也已征交趾得其神鎗火器之法立神機營掌操演神銃神砲諸火器亦分爲五軍中軍坐營內臣一人武臣一人其下分爲四司各監鎗內臣一人把司官一人把牌官一人已又得都督譚廣馬五千匹當時謂之譚家馬復置五千下掌操演火器及隨駕護衛馬

步軍亦置坐營內臣一人武臣一人其下分爲四司各把司官一人此神機營之部分也居常則五軍肄藝陳三千軍肄迎哨神機營肄鎗手如太駕親征則大營居中營外五軍分駐步軍居內騎軍居外騎率之外爲神機神機之外有長圍周鄰二十里然蘇其中此三大營之制也當是時天子躬戎事于上營無不練之將將無不練之兵又有御前試驗按月開報之條以賞罰行其間是以兵休而不驕兵動而不困父皇三駕而得志者由此道也其在金陵者仍高帝之舊已亦增置神機營與大小教場同訓練而繫之南京以別於北是時五軍都督府治常行文書而已非特命不與營務洪熙元年仁宗即位因以內外密備官及參贊尚書理兵政是後特勅武臣一員統領而守備參贊同閱其京營亦特命武臣一人總理營政總理之有武臣自此始焉宣德三年以陽武侯薛祿言飭治神機部伍選彘衛卒補之後二歲又以成國公朱勇言選京衛卒隸三營訓練諭曰古人用兵雖有成法而以應變不窮爲奇今可教者特坐作進退擊刺之法至于隨機制敵闔閭往來則在兵法之外宜以暇觀書求古名將方畧融會于心然後有得

明年命御史給事中錦衣衛叅諸衛軍數以聞自此遂有巡視京營之道宣宗親征高煦及巡邊破兀良哈嘗以京營兵取勝于斯時紫旅稱強矣英宗踐祚正統三年命苑卒補五軍營之缺已復以成國言令行在錦衣等衛守陵守衛卒存其半其上直旗校隸錦衣衛操餘悉歸三大營後十年討鄧茂七始命內臣曹吉祥王瑾監督神機火器曰監鎗先是編修徐瑾言國之武備莫先治兵要使京兵足以制邊兵邊兵足以制四裔則得居重馭輕之道昔文皇每歲秋塞遣將出塞燒荒不獨耀兵且令軍士習知戰鬪今宜倣此法一出宣府一出大同一出山海關各遣三五百里遇賊出沒即乘機捕獲冬出春歸歲以爲常庶使京軍熟見邊情臨敵不憚時承平以營制盡弛故程亟言之而中人主振用事置其言漫弗省米幾遂有土木之難六師五十萬人皆死營政耗矣景帝立兵部尚書于謙爲天子倚重乃議以爲京師軍馬分隸五軍神機三千營者雖各有總兵領之然不相統一有發則挑選奏撥兵將不相習效功實難余於親操諸營軍精選勝兵十萬分營團練營二萬人各設都督統之軍五十人各管隊二隊百人各領隊積

二十隊有把總積五千人有都把總過圍練時時出不意調一二隊點閱呼其把總隊長姓名即各領隊卒來驗較其技勇使爲將者知士之強弱爲軍者悉將之號令有警量賊勢多寡以行如此則體統相維兵將相知士伍熟習易于閱會號令專一易于使令視昔之部伍淆亂號令不習者萬有不侔也制曰可於是分十六營營置坐營都督一員都指揮三員把總都指揮十五員指揮三十員管隊官每隊二員卽於三營提督中推二人充總兵監以內臣而兵部同調發其餘軍仍歸本營曰老家衛京師謹又以給事中鄭林所獻古八陣圖法訓練之一時軍伍赫然改觀亡何英宗復辟殺于謙罷圍營爲三營如舊興後八年憲宗卽位復立圍營增十營爲十三營營萬人成化二年以御史魏瀚言仍歸三營分三等次等訓練遣臺省臣不時點閱而圍營復罷三年從六科給事中言勅剛正大臣清理訓練兵部舉戶部尚書馬昂副都御史林聰而閣臣陳文等言必得內臣剛芳練達如懷恩者與昂等共事然後可以剷除宿弊於是恩等聞選得三營一等官軍十四萬有奇帝曰一等官軍數多仍分十二營圍練而各爲之名其以

京名者曰奮武所則鎧衣衛
 州左衛前衛
 所隸則金吾右衛德衛
 龍安右衛顯武
 虎賁左衛義勇左衛
 騎右衛神果
 敢勇新隸志羽林
 武功中衛留守
 後衛志義
 所隸則彭城衛效勇
 清左衛府軍
 前衛大衛
 衛寬河
 衛南衛
 衛揚威
 衛是為
 衛十二營
 衛各分五軍三千神
 衛機領馬隊火器之屬而命侯十一人於營圍練各以
 都指揮佐逆諸內臣監之勲臣提督之是十二營軍
 名曰選鋒不任選鋒者仍歸三大營曰老家而團營
 之法稍變矣已給事中秦宗吉京師天下之本宜併
 用文武以相協贊今南都有叅贊尚書各邊同理軍
 務有都御史而京營獨委武臣非所以慎謀猷重根
 本也時議者謂正統己巳常以命于謙今未敢專決
 事遂已四年滿四亂都督劉玉率顯武耀武二營往
 征王請於別營抽還不可令全營以行後五歲坐營
 官定西侯蔣琬請於十二營各選兵二千備征調亦

不許而南京大小教場軍並令所司自行訓練惟風雨則免如故事南京軍常操不息間逃亡御史任英請令更番如京營例不從明年御史王瓚又以爲請下參贊諸臣議又明年命南京給事中御史時至大小二場點閱成國公朱儀及太監安寧等不使之詭言軍機密務御史詰問名數非便且操練之時御史思至則軍士紛然出候使事體不專軍機多洩非宜帝罪御史仍令守備參贊官閱視著爲令後五年復勅監懷恩及尚書余子俊于京營閱視明年又立驍忠效義二營以練習京衛舍人餘丁營制坐營官一員舍人餘丁把總各一人營各四司弘治中御史劉准言其糜費無益罷之憲宗在位二十餘年於京營最留意而缺伍至七萬五千七百有奇難如意武備而以汪直爲十二營監督以中官總督團營自帝始也孝宗即位從馮璉少卿李舜之請始命左都御史馬文升提督團營自于謙後文臣不復與營政至是始復時營軍多苦工役于是文升上言太祖以武勅定天下雖當投戍息馬之時練武防兵固未嘗忘也故私役一軍有重罰私借一馬有禁例凡有興造從來役及衛軍太宗遷都北平武備尤重宣德以來

戎伍漸耗馴至正統忘戰偷安遂有土木之禍乎此秋駕驚遽警時聞團營之兵正宜專一蓄養銳氣遇有征討即便調發請以後興造毋役營軍庶行伍充實緩急有備又請每營練選精銳馬步軍各二千以爲上兵遇警徵調毋臨行挑選有候應援其操習規則邊洪武永樂年制五日一操以二日走陣下營以三日演習武藝不許頻易從之後四歲募警復以府部言藉清營伍其錦衣騰驤諸衛悉聽覈而給事中御史時料察馬父之帝念畿輔重地欲令衛卒歸所在操練爲京師按閱策於兵部尚書劉大夏大夏對曰甚善祖宗時於保定獨設都司統五衛亦此意也會御史亦言宜令保定兩班萬人歸衛團操帝可之會都指揮往莊諸璫不利則爲飛語言門誣大夏帝曰官門非外人可入必若輩爲之卒行大夏策於是十二營外畿郡山東河南江北兵各番上而禁旅強是時大夏柄兵政陳樊端十事多切時務已復奏減修乾清宮軍十之五主璫以不卹大工爲言激怒帝大學士劉健曰愛惜軍夫司馬職也司馬固當帝欣然納之明年有詔求言而主事李夢陽上言極論兵之害曰夫所謂兵害者何也臣以爲冗食而無補宜